



Jahresbericht vo dä Saison 2022/2023

Neui Saison und das im Oberhuus

Lang han ich überleit was söll ich au verzelle: Fang ich mal vo ahfang ah. Im Juni wie immer isch euisi GV Kurz und knackig über Bühne. Isch es doch scho die 39.GV gsih. Im 2004 bin ich ihn vorstand gwählt worde als organisatorin vo dä Fanfahrte. Und im 2005 bin ich scho als Präsidentin gwählt worde. 2023 im Juli heisst dänn 40 Jahr Fanclub. Freu mich.

Im August wie immer euisse trationelle Bowlingabig im Sorriso und natürlich wieder mit Spieler beteiligung. Dä Marc, dä Kevin und dä Dario sind däbi gsih. Einisch meh en Großartige lässige Abig gsih. Daniela Zollinger hät damat dä Wanderpokal gwunne.

Am 18.9 isches dänn losgange im Oberhuus. Dä ersti gägnner isch Rappi gsih. Mir händ gwüsst wird nöd eifach ih dä National League. Hät scho einigi Spiel brucht bis Klote sich gfunde hät. Klote hät gueti und weniger gueti Spiel gliefert. Ziel isch ja Liga erhalt und das händs gschafft. Einigi Ahläss hämmer au no gmacht. Zum Beispiel simmer am 29. Oktober uf Bärn und händ en coole Tag und en geile Matsch gah. 12. November isch euisse Raclett abig gsih, leider mit wenig Beteiligung vo eui. Danke ah die wo cho sind. Am 4. Dezember hämmer mit es paar Mitglieder zerscht en Brunch im Bächihof gah und nachher simmer uf Rappi an Matsch.

Am 4. März hämmer äh lässigi Fahrt uf Davos gmacht. Mega gsih wieviel das mit cho sind. So macht organisiere Spass 😊

Ende März hämmer relativ spontan no dä Spaghettiabig gmacht. Cool wieviel das cho sind Danke vielmal.

Saison isch leider scho am 11. März färtig gsih. Ich bin aber mega stolz uf euisse EHC was für äh Saison isch den das gsih. Danke vielmal ah die

ganzi Mannschaft Staff etc.... So freu mich scho uf die neue Saison wo im September ahfangt.

Am 14.April sind mir vom Fanclub nominiert gsih bim Zündwürfel ich dä Sparte Fanwelt. Muess sägä mir händ versucht, aber mit nur grad 15 Personen hämmer halt nöd so es Volume anebracht mit Fangsang. Am schluss simmer letzte worde und händ 500 Franke becho für euse Fanclub. Danke ah die wo däbi gsih sind.

Eui allne es hätzlich Dankeschön das ihr däbi sind und ähn schöne Summer

Eui Präsidentin Barbara